

續修舒城縣志卷三十九

人物志

孝友

孩提之童無不知愛其親也及其長也無不知敬其兄能孝即能友理之相因無足異者必執大孝不置之說高其格以繩人則古今來之以孝子稱者曾閔而外能有幾人獨未聞中孝用勞小孝用力亦可以一節取乎舒自宋以來多割股療親事歷代旌揚之典傳不絕書

國朝循例獎卹尤實繁有徒愚夫婦片長足錄以視夫不孝因而不友者大有別矣但於聖賢全受全歸之旨未盡脗合故別列割股表附之篇末所望學士大夫家喻而戶曉之則幸

續修舒城縣志

卷三十九

人物志

孝友

一

甚矣於戲如毛義徐行周諸人其舒之表表者歟惜漢唐之風邈不可睹其所以光孝道而篤友于者當自有取法也述人物志孝友

漢

毛義字少節家貧以孝行稱南陽張奉慕其名往候之坐定而府檄適至以義令安陽義捧檄而入喜動顏色奉心賤之固辭而去及義母卒去官數辟公府進退以禮後舉賢良公車徵不至奉歎曰賢者固不可測往日之喜乃為親屈也建初中章帝下詔褒寵賜穀千斛常以八月遣長吏問起居加賜羊酒壽終於家崇祀鄉賢

後漢書傳序嘉慶志

唐

徐行周以孝聞數世同居天子詔表其門賜粟帛州縣存問復其賦稅

唐書孝友傳序按一統志作宋人與序異

明

朱驥少孤事母至孝侍疾衣不解帶湯藥必親嘗成化己丑聯捷進士令修武解組歸凡事必承母命及卒見遺拄杖輒依依如母在刻木肖像事之廬墓三年有雙鵲悲鳴之異崇祀鄉賢

通志

胡拱辰字紫微父聰甫元末為本學教諭博通今古早卒母教拱辰以儒家言久之學成洪武初由孝廉為歙縣丞建春暉堂以奉母唐仲劉誠意宋景濂皆有詩記之

詳藝文志課最擢

丹陽令乞歸侍養卒年九十三與父並崇祀鄉賢

嘉慶志

續修舒城縣志

卷三十九

人物志

孝友

二

錢敏字志學少孤事母至孝家貧力學登永樂辛丑進士乞養歸母患瘡侍湯藥未嘗離側母卒廬墓三年宣德間詔旌之後以大學士楊士奇薦除黃州知府有政聲崇祀鄉賢

嘉慶志

志

王紹字繼學永樂丙戌進士官監察御史母卒廬墓三年有

烏鵲集墓所事聞正統間詔旌其門崇祀鄉賢

嘉慶志

胡紀字大年永樂甲午舉人官山東左參議性至孝居父母喪前後廬墓六年虎至不懼羣鹿馴擾人以爲誠孝所感正

統間旌生平善書畫吟詠時稱淮西三絕崇祀鄉賢

一統志明史

孝義傳序

陳暹父早喪事母至孝母疾籲天求代果愈及母卒未葬火

起延燒房屋遲伏棺哀號風反火息既葬廬墓值大雨雹他處草木俱傷近墓獨無損墓旁松高僅五六尺有鵲巢其上

一日風吹巢墜遲舉置舊處鵲不驚卒哺雛成有司上其事

太守史公濡詣墓覈實獎勞

孫翦兇早喪父事母至孝家貧樵採供甘旨無缺及母卒露宿墓側鄰翁憐其苦代為結茅墓旁有古松鳥巢其上聞哭聲則哀鳴相應日哺輒有兩虎旋繞墓前達旦始去習以為常刻木肖母像侍奉終身

朱印父早喪奉母彭氏盡孝母卒廬墓時年十七未娶親族慮印以憂致疾勸歸不聽或有餉遺卻不受後入邑庠萬歷六年卒貧無以殮教諭劉大烈助之

任成勲善事父母以孝聞得旌建坊後寄居南河

續修府城縣志

卷三十九

人物志

孝友

三

江鉦字汝湘嘉靖末歲貢母卒廬墓三年時有慈烏數百朝夕悲鳴棲止相伴人以爲孝感所致事聞得旌及官黃陂知縣清慎廉平嘗獲盜賊有砂糖數十桶啟視皆白鏹也封而解之歸田後環堵蕭然卒年九十六崇祀鄉賢孫必永萬曆

中歲貢官瓊州通判

胡澤事繼母黃氏承顏順志宗黨稱之有司旌其門

郭維官家貧業釀養父賊至父子逃竄父衰老不能速行賊追獲之維官稽顙求代賊不顧拷掠無完膚一時俱被害

許名材少孤力耕養母壬午寇變負母抱子逃賊追之母曰

盍捨我留汝子以延祀乎名材泣曰子可復得母不可復得遂棄子負母趨以免難及寇平名材年五十復生一子孝感所致也

沈其謙字元明壬午舒陷謙負母避難遇賊欲殺其母謙跪泣終日求以身代賊感其孝母子並釋後生三子年八十終

胡仕祥父福早卒母史氏遺腹生仕祥自幼奉母至孝有司旌之少時有老人過宿謂曰汝母奇節汝又孝汝母百年後當以我所指吉壤葬之四傳至文節公守恆其餘子弟多顯貴求忠臣必於孝子之門信哉

祝汝節庠生博洽能文崇禎丙子副貢壬午流賊陷舒汝節方守陣火起急歸見母死灰燼中伏屍而泣大慟曰母死我何忍獨生題絕命詞於壁自經於母側舒人聞之無不痛悼

續修府城縣志

卷三十九

人物志

孝友

四

朱大政庠生父龍廷死流寇之難大政尋父屍爲賊所執歎其孝予棺葬之

趙密庠生父早卒事母孝母病侍湯藥衣不解帶母沒喪葬盡禮撫幼弟教養成立友愛尤篤郡縣表其門

王介國學生性至孝父卒廬墓三年事母張氏偶不懌必長跪請解豫乃起朝夕焚香祝母壽年八十寢疾母歿復廬墓三年

張振鷺號涵宇年十二補諸生性至孝雖貧必極甘脆以奉

母母素畏雷既歿柩在堂夜雷電作振驚披衣立柩側曰兒在母無恐有二兄皆貧常分饘粥給之並完其子女婚嫁歲稔盜起振驚貸得十餘金分授諸侄曰有警以此求脫空拳難禦暴客也晚以歲貢佐令歸安邑有相國沈灌家通糧捕家人咎之趣納如額署武康令邑多虎爲文告城隍翌日連殪二虎邑人異之子國華有才名

姚之龍字雲蒸父光襲歲貢生家本裕嘗拯兄難罄產無怨言食貧授徒孀嫂孤侄仍待以舉火之龍天啟丁卯舉人事

親養志終身如一日

姚宏性號命我性樂易父謨四川羅江知縣有惠政宏性與弟宏緒析產多寡弗較周恤族黨無吝色晚歲家窘處之淡

如也其友愛如此

潘一清崇禎恩貢生天姿穎異有文名先人遺產盡讓與兩弟第歿撫幼侄如已出子世偉友愛從弟亦克遵父訓焉

徐仰極號致字性和儒識大義待子侄恩而有禮歲時伏臘一門之內雖極歡聚禮節不少素兄子卿卒遺孤甫數歲仰極撫之綜理遺產出入悉登之簿比長按籍授之崇禎初邑令羅憲上其行旌曰金玉品誼

高登奇明戶部郎中銘之裔也與弟登乾皆至孝父卒壬午流賊迫城下母吳氏命各逃去勿俱死滅宗祀兄弟依依相對泣終不去城陷登奇素有力率弟負母墜城下卒遇賊傷

幾死仍泣請曰殺我勿傷吾母賊憐其孝縱之去

國朝

沈慶昌字積生庠生鳳雛子七歲喪父奉母孝母病劇朝夕泣代及卒哀毀至不欲生壬午寇變避亂武昌與弟緒昌散失順治初數千里尋得授以室而給之產慶昌善弓馬由順治庚子武舉任鳳陽中衛守備擢衢州中營游擊後封懷遠將軍卒年七十七

徐永脈少孤孝事孀母娶胡氏同心協力以養以葬撫二弟至成立樂善不倦偕老終焉子行遠行達行植俱孝友承父志克振家聲

徐行達字桂甫年十八遭寇變父永脈被賊囚繫至潛山行

達泣隨賊後得間竊負逃歸兄行達年二十壬午之變負幼弟行植逃遇賊欲殺之泣願以身代賊感其義並釋之叔父永顯遭亂流落荆襄間父日夜悲思行達慮傷父志身歷險阻三年得與俱歸行植亦任俠好義鄉里有紛難得一言輒水釋於親戚故舊尤見肝膽諸子能守家法多游庠家世稱孝友

任天健字乾行崇禎己卯武舉遇歲失怙長事節母極孝母稍不憚即跪泣自責晨昏定省五十年如一日母卒哀毀盡禮至老述母訓淚流滿面鄉里言孝者皆奉以爲範同族任民望事繼母以孝聞昆季析產以腴者與兩弟厚給親故卒之日里巷皆感泣又有族人綏世者字來斯庠生幼失恃事

後母孝尤篤愛諸弟庭無間言長子銓廩生博學能文綏世夫婦年七十餘銓得館穀色養備至又同族齊世翼世亦俱以孝謹稱舊志

王章字子含父三省早卒母曾氏遺腹生章甫就傅即知體母心力學不倦崇禎壬午寇變奉母避巢湖旁自忍飢寒必為母求溫飽亂平歸里家徒四壁曲承歡笑謹身自愛不履公庭惴惴惟恐貽父母憂晚年好詩日手一編自娛子汝楫

庠生舊志

任鳴玉庠生事節母極孝菽水承歡數十年如一日舊志

陳學詩與弟學賢性皆孝謹父宗舜卒學詩甫六歲事祖母及母即知色養壬午寇變祖母歿率弟奉母遠竄流離之際

子職愈謹年八十每歲時祭兄弟猶哀哀如孺子泣學詩婦汪氏逮事祖姑與姊鮑氏事節姑朝夕盥饋必腆必潔學詩子旂郡廩生博學多才著述頗富惜家貧不及梓行舊志

任天吉字吉我事母陳氏竭力承歡遭崇禎寇變嘗百里負米養母途次飢甚不炊食或訴之泣曰吾購以奉母敢自食耶卒忍饑歸母正食菜羹相持泣下與弟簡在同居數十年以食指眾析居田廬器皿悉以徹鈍荒瘠者自取生平無疾言遽色與人無少長皆盡禮一邑推長者舊志

陳世選字懷宇有特識父樞在堂比隣火起急出樞避之既熄復請入或曰樞出復入恐不利生者世選曰人子於親事死如事生豈偶出遂不可復入耶卒入之以孫畧貴贈懷遠

將軍孫鼎字象九增生髫年失恃亦以善事繼母聞舊志

張鼎字峙三康熙初歲貢六歲喪母事父與繼母極孝父九如病禱於祖請身代父歿撫異母弟極友愛邑令以孝行上巡撫靳輔旌其門曰孝追閔獨預修康熙癸丑縣志通志子大美國學生九歲母病即藥餌親嘗衣不解帶娶妻任氏亦克諸以孝里人賢之

郭士瑛號梅菴康熙乙卯武舉通志五歲喪父母泣亦泣母不食亦不食七歲見父遺書即哭母病劇嘗糞母喪泣血三年未嘗見齒及葬冒雪躬自築墳友愛庶母兄弟人無間言族人不能婚嫁者竭力助之典產不惜學憲張謝兩文宗邑令蔣鶴鳴屢表其閭並詳請

旌表子維祺另有傳維樸邑諸生工書畫江浦志許明時字吉生歲貢授建平訓導少孤事母孝母歿廬墓不茹葷酒四年撫兄孤女如所生買婢得同姓女擇士族嫁之事聞得

旌江浦志

任天眷庠生性孝友家貧力學兄天成宦吳越天眷奉繼母承歡養志十數年課諸子各授一經子昌世安世俱邑庠舊志張維倫孝友過人居鄉純謹不慕榮利鄉里貧乏多濟之舊志賈又彪字偉三歲貢生與兄又山又達俱以孝聞又山康熙丙辰

廷試歸道卒遺孤四俱幼又彪撫之如所生又山子明廢所受

產復分己產給之明歿更有其孤從兄又琮資窘亦贍養之親歿卜地入山遇虎不啞人以爲孝行所感又遠字漢宇力學游庠晚構精舍訓諸子讀惟以孝弟忠信相誡勉子七人能率其教皆有聲庠序雍正九年又彪象山墓田出稻較常粒四倍子彬上之邑令陳守仁命付先農壇佃人作種以供粢盛並上其事於大府得旌彬字彩成又彪長子也與弟彤事繼母程依依膝下母忘其非己出也彬子邦材與其母任氏間織督耕不以家窘累其父友愛從兄弟曰予家世孝友縱不能光大前業敢弗篤宗支以墜厥緒乎里有爭者力爲排解以故里中不聞鬪訟聲同族第貢又復性伉爽亦以篤行稱孫邦錄庠生性嗜學寒暑不輟母歿侍父左右惟就館

始離側

江浦通志

蔡春芳字傑公少孤貧孀母侯病癯借妻李氏日夜跪進湯藥兩膝皆腫暑月蚊吮無完膚母起臥必負之數年不懈生平多隱德子之蕙增生有父風工詩文書畫又姚永蕃黃光前楊先進黃文蔚俱以孝行稱永蕃邑庠生父病侍湯藥三年不去側與修康熙癸丑縣志稿年八十五卒光前幼事繼母極孝母病衣不解帶八十餘日子元瑞中康熙己酉榜先進國學生善事繼母父病與弟先登侍湯藥衣不解帶歲餘及歿哀毀骨立葬祭盡禮兄弟尤篤友愛文蔚少孤事節母極孝家貧舌耕以養兄弟九人相友愛太守徐表其閭

舊志

徐叔麟日曙季子歲貢生事親至孝父疾與妻謝氏親嘗湯藥衣不解帶三月餘歿後三年不茹葷酒母氏孫中年患痰喘叔麟百里外購藥覓醫四十年以爲常兩兄早卒嫂苦節諸侄皆幼撫之一無失所無何諸侄繼亡又撫孤外祖孫昌裔績學士也卒後貧無以殮叔麟力爲營葬并捐金爲刻嘯巖集行世

續修舒城縣志

鮑文龍字雲章庠生三齡卽失怙事母至孝娶郭氏亦善順志母稍不悅夫婦必跪請罪改容乃起母病夫婦侍湯藥廢寢食卒後言及母在時事恆泣下性好學善屬文課子有法長斌雍正丙午舉於鄉次功廩生文龍卒二子廬墓三年

嘉慶志

張芬號豹巖康熙壬寅恩貢生父喪哀毀盡禮母病痛自刻責默禱而愈與弟析產以二分與己子四分與猶子生平沈靜端慤好學能文於性理諸書實心體認見於躬行年六十卒

五卒

王燕衍庠生甫七歲母病篤日夜侍榻前親嘗湯藥母卒哀毀如成人十五居父喪盡禮每時祭涕泗交加餽餘不忍食頰之族人自少至老不少易蓋其天性如此

徐統父汝璧早卒事節母鮑最孝母病侍湯藥不解帶歲餘母卒統以哀毀死又有黃元超父病親嘗湯藥未嘗離左右年八十餘每逢父母生忌日或談及幼小時事輒痛泣不已子錦繡二人相繼入泮有文名

續修舒城縣志

徐誠字實君例貢生父汝瑛諸生兄弟四人先亡其三並無子汝瑛均嗣以己子兄弟皆得延祀誠年十六游庠乾隆戊午鄉試奔父喪哀毀幾滅性生平仗義疏財建橋修路善舉甚多歲丙子蝗起縣官捕之急派戶出夫應役雖無田之家亦不免誠力言不便乃止蝗亦尋滅

孔興道字德先父病二十年親爲吮膿嘗藥兄弟析產取其瘠者弟卒有藐孤撫育備至比長授之室晚年放懷詩酒日手書一編妻郭氏常以女紅佐夫成家子三毓桂庠生毓秀孝友有父風毓山乾隆中由恩貢選銅山學訓導撫從弟佑祿子孫四十年不倦女兄二一貧一寡恤之無失所同族諸生孔解字日生工詩文性耿介家貧授徒養母甘旨不缺

邑令張雅重之延爲子弟師

朱維翰字漢公康熙庚午武舉善事後母友愛兄弟庭無間言世居縣南烏沙鎮辛巳大災鎮民數百窘甚維翰計口授糧人被其德

朱維世字斐英監生七歲孝敬異常父母疾親嘗湯藥籲祖求代雍正九年與徐孝子叔麟買孝子又彪同被

旌表

江南通志

束懋官字秀升庠生少儻負不羈才事親極孝謹母患瘵蹙扶持出入未嘗離左右兄弟析產雅相推讓後兩弟貧更招與同居鄉里皆推重

胡世球字求玉歲貢生父永亨官京師及粵東留世球理家

政思親幾成疾著有懷吟稟性好學年逾艾猶手註左傳杜詩子克思事父與繼母徐亦孝辛卯歲貢生性謹飭以志在奉養不求仕進鄉黨稱之

高連字時中候選州同父岑早卒家貧事節母尹色養無違每時祭躡踊呼號哀動鄰里教弟璜成立璜字越凡奉兄教謹母歿兄弟盡哀得

旌建坊又高重瑛貢生母歿廬墓官旌德教諭

郭仲符父早歿辛苦操作生業漸裕兄貿易江湖折閱歸喪資後囊橐如懸磬仲符分產與之後中落無怨言時人重其

義

陳豹文庠生兄龍文早卒遺孤幼豹文經紀其遺產毫髮不

自私又賈天然從叔登瀛郡廩生卒遺一女天然爲備奩具嫁之

李坤先字漢采性友愛兩兄析居後貧窘迎歸養之卒葬如禮嫁兩猶女厚其廬鄉里義之子日景游成均好義有父風

撫幼弟日照成立日照入郡庠文行卓然士林重之

黃仕晉字楚材庠生性孝友兄弟三人長瞽季幼仕晉體親

意盡以家產讓之己乃授徒自給生平精研理學造次必於禮里中不肖者咸羞爲所知時有王彥方之目孫荷嘉慶辛酉拔貢生同時以友愛著者有程應台字衡占例貢生幼失怙恃有四兄亡其三一患瘋疾應台事病兄撫諸孤委曲周全無毫髮憾封諸祖墓並置祭田年近八十每祭祀必躬親

不忘恭敬邑令何表其間子孫游庠者十數人

孔時字合三廩生家貧爲童子師得館穀以養父母父嗣英

諸生晚患偏枯飲食臥起皆需人時出課生徒入侍湯藥扶

持左右三年不稍倦路拾金守失主還之終不言子繼序乾

隆癸卯舉人

通志

靳宏基字季休庠生六齡失怙節母以基幼更嗣伯子宏任

基長與任友愛若同懷邑令贈孝友引年匾額初宏任原有

田若干畝攜以入嗣而基田本多後家益裕任卒其子守遺

命析產爲六以四與基基不聽歸任原田而以己田均分之

鄉里稱其義讓又爲母請旌廣置祭田晚年益嗜學設教於

鄉從游者眾

府志

續修舒城縣志

卷三十九

人物志

孝友

十三

靳起梅字和羹候選州同少孤事母至孝亦好施予家雖中

落而好善不倦卒年七十六

縣志

王召榜字殿元父早歿友愛諸弟析居後諸弟貧窘復招與

同居給其衣食弟嘗負債被訟榜勤苦起家薄有田產鬻之

償訟乃息子鵬監生撫兄弟之孤如其父孫本奎甘肅從九

品本槐郡廩生

縣志

石鏞字兆和太學生事孀母劉以孝聞母年六十病篤鏞於

關帝廟祈減算益母壽母尋愈伯季早歿撫教諸孤成立子

鳴鶴附貢生

縣志

李應榜太學生父母早歿善撫幼弟分己產給之毫無所私

族譜燬於明季聚族修之年六十三卒又朱朝儀字千巖性

友愛嘗捐產諸兄弟撫孤侄如己子邑令旌曰敦愛尚義之

門

縣志

任爲霖字樹蒼光世長子父歿奉母盡孝與幼弟爲楫爲槩

極友愛言色煦煦不異孺子人因號曰稚翁暮年授績谿教

諭寒穠冷落猶挈幼弟連床共被依依不舍卒於官子敏德

廩生事孀母極孝孫嗣廩庠生和舉人皆以詩文名

縣志

任爲渠字式蒼光世遺腹子母善病渠與婦賈氏極力承歡

母歿哀毀盡禮晚年膺疾不起惟以孝友讀書訓子子立功

庠生餘子諸孫皆讀書世其業

縣志

黃吉字景卜廩生食貧嗜學尤善事二親色養無違居喪盡

哀閭里稱爲純孝不獨以文人稱也

縣志

續修舒城縣志

卷三十九

人物志

孝友

十四

任鳴珂字瑤圃曲體親心友愛庶弟操行方正閭里畏敬之

有彥方風範負才未展士論惜之著有鴻泥集詩行世

縣志

汪德成字用章父溥歿遺五子家窘甚德成年十六棄書服

賈養母教弟升游庠食餼餘皆授之室界以恒產母以是破

涕爲笑及歿葬祭如禮子文華拔貢生

縣志

郭維倫事親孝篤愛堂弟維佳多方玉成之又族弟維楚少

事母以孝聞處兄弟克盡友恭平素居鄉黨有唾面自乾之

譽又同族尙瑞天性孝友居親喪哀毀如禮尤能睦族整理

祖墓倡族眾春秋祭掃弗缺並好施予弟尙璣子青山俱有

聲譽

縣志

趙光奎字聚五事繼母孝家本裕舊宅有園亭池館價值數

千金遵母命盡讓兩幼弟喜讀書居家儉約而好施予歲餘
卽以周戚里修橋梁道路客有勸置產者則拂衣而起以忠
厚訓子孫鄉里稱長者子孫游庠食餽均以品學稱從孫廷
瑛亦孺慕終身志

任之鈺號惺齋增生弱冠游庠家世以孝謹稱鈺尤敦篤事
父母極色養友愛昆弟內外無間言葬親時遇霖雨獨不惑
堪輿禍福說俟雨霽乃奉柩至葬地卒事竟無恙年老每家
祭猶悲不自勝生平古道自持廉介不苟享壽八十子孫多
列膠庠志

石采字佩芳增生孝友純篤品行端方父母年俱九旬卒采
哀毀骨立少力學有文名著有學庸愚論文集子瞻庠生志

鮑斌字二九庠生文龍長子雍正丙午舉人父歿同弟廩庠

功四人廬墓三年至今鄉里猶稱其孝云子鳳傳庠生志

朱璋字瑤玖事繼母孝友愛諸幼弟建祠宇立家法鄉里皆

取則焉子啟心字開予事繼母亦以孝聞弟歿撫遺孤竭盡

心力好施予多蓄良藥以濟人族人爭譜致訟囑啟心董其

祠事訟息而和好如初孫文藻廩貢生志

任文燦號筆帚恩貢生少孤事母至孝聞友愛兄弟純厚有

古人風家貧力學工文試嘗冠軍門多知名士壽八十無疾

終同時有黃世麟字瑞趾增生少孤事母至孝尚節義貧不

受憐晚年母病偏枯時妻已故世麟子兼婦職扶持左右者

四年母歿哀毀骨立喪葬盡禮買妾得含山諸生女立還之

善書尤工詩佳句多膾炙人口著有蕙園詩鈔志

褚家泗字江永性友愛兄弟析居均財產無私意侄正誼家
貧廢學泗資其用延師教之入邑庠族人多貧泗存問矜恤
無虛歲善行甚多卒年八十四子孫克守家範爲鄉里所稱

志

許家紀節婦汪氏季子甫十齡見母飢寒輒背母嘔糞殖或
不充紀恐母減食故作飽狀母詰之託言戚鄰已與食母密
覘之乃知其先啖菜羹於外也姑憐之攜歸與之食不敢飽
與葷弗茹冬不重衣夏不入帷姑怪問之泣曰母兄皆不免
飢寒忍一身飽煖耶年十五卽與兄勤苦以奉甘旨母病數
日不食籲天求代旋愈母嘗顧紀泣曰屢世讀書至汝輩而

止九原下吾何以見先靈紀卽求塾師指授不數年文藝清

通能以舌耕養母高其品者爭延致之然每別母輒泣下嘉

慶元年里人將以孝行舉力辭弗受詣縣痛陳母氏清操請

獎母節令優異之志

張文輝郡庠生遇歲喪母事繼母以孝聞砥節礪行嘉惠後

學卒年七十同時有趙廷瑛號四勿居士幼讀書後入成均

善事母母壽九十一廷瑛色養不衰教子嚴而有法子佳祥

早游庠爲士林所推許志

王尙哲字近宣天性孝友父疾親嘗湯藥衣不解帶居鄉周

濟貧乏排難解紛年五十無子置一妾詢係貧家婦俟其夫

至厚貲遣還使爲夫婦如初後連舉二子志

祝雲龍號遜齋儻有大志善事父母兄弟極友愛庚子舉

明經雙親俱慶綵服斑斕里中稱盛事志

胡汝璧字蒼石與兄世球弟世瓊敦睦宗族周恤親鄰能承

先志府志

任揀世號鹿岑幼從胞兄振世讀弱冠入庠旋薦選拔到監

後以親老請假歸養日與兄弟作斑衣舞父歿事母尤孝謹

康熙年授績谿教諭莊而不厲諸生敬而愛之無一言片楮

干邑令令雅重焉後終於學署志

靳三益天性孝友與弟三友三傑怡怡一堂並建宗祠置祀

田以奉其先又好善樂施每歲募捐米百餘石周恤鄰里貧

乏者及歿後諸子仍遵行志

續修舒城縣志

卷三十九

人物志

孝友

十七

陳韜字姜友年二十舉於鄉例應銓選因養親不仕進重倫

睦族善氣藹如然丰采嚴峻子弟後學望而敬之志

任輔世字長民增生從弟有棄先業者給以值不取其產弟

終不能守再予之價而以租贖其身終焉娶姜氏少遭疾姜

父母欲爲買妾輔世持不可後生五子志

高嶽字巨占登奇長孫家貧竭力以供親膳親歿截六十六

哀泣如孺子壽八十仲弟峻字履厚性孝友言笑不苟戚族

鄉里咸重之季弟嶺字仰瞻幼孤後由歲薦就職訓導以母

老故終不仕邑建龍山書院嶺董其事不憚勞瘁三年而成

兄弟三人式好無尤子弟能承其教志

高華歲貢生署婺源訓導母病侍湯藥三年不懈及歿哀毀

幾滅性父卒亦如之廬墓三年平居周戚族修學宮不恤千

金皆踵父珠志行之嘉慶九年與祖截均奉

旌表建坊志

請

陳應鼐字岱瞻敦本睦族爲善於鄉從弟婦東氏守節代爲

旌又獨建宗祠捐田奉祀旁建家塾延名師俾族中子弟往就學

每歲暮必出粟資助親鄰志

吳應龍少孤善事孀母與弟應虎共爨二十餘年庭無閒言

乾隆二十一年旱捐資設粥廠以活饑民邑令給額獎之志

張良弼親歿合葬廬墓三年兩犬一貓隨之不去邑人欲以

孝請旌堅辭弗受卒得

續修舒城縣志

卷三十九

人物志

孝友

十八

旌坊建田家冲口志

劉藻監生純孝性成親歿後廬墓三年道光閒

旌表坊建路斯廟志

靳學治廩生性孝友丙辰歲大饑治負米養親往返常百里

以勞致疾父微病治力疾侍之冬夜漏三下猶在側時頻蹙

有不安狀父問之治猶勉侍父命之退未安寢而歿志

靳茂潛章炯次子侍父疾七十餘日朝夕不倦兄茂枝早卒

無子以子學思爲之嗣學思亦孝母病設法療之病乃愈志

童前勲監生少孤事母孝奉兄教維謹敦宗睦族鄉里重之

志

李文信通志七歲失怙母陳氏病劇醫言病人糞味苦則

生文信連嘗三次皆苦竊喜後數日服藥果愈延師課弱弟析著時田廬什物自取做惡者年逾八十卒文信病篤子鸞章亦嘗糞味頗酸恐不起夜齋沐焚香籲天減己年益父壽後果瘳鸞章字竹坡廩生以文行重於時數薦省闈不售晚年例貢於雍未及考而歿子鳳儀庠生

梅春奎監生父命與弟春魁析產數年魁家中落奎復與合爨無異言里黨稱之

徐從聞力農爲業父歿繼母臥病從聞親侍湯藥服勞不避污穢九年如一日

鄧國玉少孤貧傭工以養母母吳有宿疾衣服穢器親爲洗滌母戒之則俟母睡而仍爲之數十年如一日

程國恆字次咸貢生幼有至性母早喪遵父命孝事慈母慈母生女六父歿後國恆嫁之貴裝皆豐備有貧乏者周恤尤至平居喜書爲善最樂四字每歲晚分所有周親族待以舉火者數十家年五十三卒妻李氏治家循其常壽逾八十鄉里稱賢子孫多科第

段雲增生性至孝咸豐間年六十餘賊至負母逃及歸亦負之卒得免雲體胖而短背負母僂不勝口呿氣喘蹣跚行市人笑之

龔棟華性誠孝父久病棟華侍湯藥數年無倦容及病篤焚香籲天願以身代父歿哀毀幾滅性里黨稱之

孫景賢幼貧苦事親極孝同治三年其父致和病篤凡三月

衣不解帶父逝世母益謹定省無缺母有疾賢侍奉不離求禱不辭勞瘁至光緒二年秋母卒賢呼搶幾絕泣無葬所時有淨梵寺僧與以黃家山隙地賢遷其父母俱葬就墳旁築草棚居之不離咫尺蓬頭垢面三年如一日光緒六年

旌表孝子

董熙性純孝父母病再刲股療之胞兄煦恩貢生早歿撫孤侄如己子及病子如璋亦刲股進

何建樸性篤孝居父母喪前後廬墓六年

湯榮春庠生事母至孝咸豐十年冬賊竄舒榮春因母病不忍離被賊刺傷十數處幾斃仍親侍湯藥不怠母卒榮春亦相繼死

亦相繼死

朱紱廩生家貧嗜學性至孝父病願以身代後果愈又有曾寅者監生性純孝以耆年終談先聲恩貢生屢薦未售生平重義輕財孝行尤見重鄉里

胡崇範庠生課讀度日母年七十偕妻張氏服侍無倦

崔學優幼喪母家貧事其祖母及父必求甘旨溫清無虧

程學達程學灼童道貫先後遇賊學達救父學灼救母道貫

救兄均被害灼子之慶之良并死之

褚禮楷監生父歿喪葬盡禮母年髦耄楷年已六十定

省無缺母壽至九十三而卒

陸思贊廩生性純孝幼隨父外課每日必歸省母制行端方

不妄言苟取梅山鎮文學之興思贊倡之志

王珩庠生盡孝於家篤行謹守鄉里重之志

胡德鈺幼失怙恃事祖母彭能先意承志彭得軟疾十餘年

德鈺率妻黃氏左右扶持始終不懈彭年八十卒採訪

李保赤字臥賓國學生性至孝孀母年七十餘事之依依如

孺子母善病憂之遂精醫侍湯藥常廢寢食晚為鄉人診病

不索謝貧者並濟以藥餌採訪

陳履常字宗魯歲貢生少孤事繼母徐以孝聞居母喪三年

不入內寢人以爲難爲文精鍊有奇氣學師王紀器之子謙

增生採訪

李含馨道光歲貢生事母純孝能先意承志子苾亦歲貢生

續修舒城縣志

卷三十九

人物志

孝友

一一一

以文行稱父卒苾哀慕三年不露齒人以爲難云採訪

郭澤廷字春溪從九品年十六父患肝疾侍湯藥三年不少

懈父歿後數十年每值生忌日大慟竟日卒年七十六同族

郭振旺字德夫國學生事親亦以孝稱母病劇水漿不入口

者數日禱於神母病尋愈夢神告曰爾子至孝增壽一紀後

果如其言採訪

施澤字廷熙國學生積學未遇事繼母汪至孝每在塾聞母

病雖遠或雨雪必歸母病衣不解帶食不下咽鄉里稱之母

年九十六卒採訪

程本桂咸豐四年兄本元隨鄉團攻據城賊眾潰本元被執

本桂泣訴家有老母幼侄願以身代賊釋其兄而殺桂採訪

汪正杞咸豐七年負母避亂遇賊護母被殺又陶興發父被

執救父同日遇害又李祥書於六年負米養親亦遇賊被害

採訪

傅大德咸豐八年賊執其父母欲殺之大德呼救遂被殺九

年田孟忠從父避亂遇賊執其父孟忠請身代賊殺之又徐

可仁亦咸豐年負母逃亂遇賊同被害採訪

陸名知咸豐七年遭寇亂父被賊執入營欲救不得痛迫赴

清水塘死賊聞而歸其父又有衛松樹者八年九月賊執其

父挺身鬪不敵被殺採訪

曹仰先性至孝遭粵寇亂親年八十四竊負而逃艱於行被

賊擒捶楚交加死而復甦者數次賊去幸全採訪

續修舒城縣志

卷三十九

人物志

孝友

一一一

張萬貴農人家極貧年四十未娶母年七十餘目瞽萬貴力

傭以養母炊浣之事悉身任之每傭有所遺必留歸奉母髮

捻之亂負母出避食具皆全母以故得無苦年八十一卒萬

貴痛哭淚血未幾以哀卒採訪

郝同興咸豐年賊至荷二筐一載母一載衣裝食物肩避深

山母未嘗有所苦一日突遇捻匪追及之諗其故曰此肩母

之孝子也相戒勿犯後其母壽至八十三卒採訪

黃瑞龍字海橋孝友成性咸豐年兵荒交集常踰賊境百里

負米養親一日與兄同遇賊以衛兄賊義而釋之採訪

陳智德咸豐七年七月山水暴至父柩被衝搶護不及號泣

投水死採訪

程爾煥庠生幼失恃繼母董撫之如己出煥亦極孝能先意承志與弟熾相友愛飲食每交讓咸豐初城陷奉親遠竄以親老此離憂憤成疾卒妻計氏後以賊至救姑額刺數創成疾卒

採訪冊

汪理紹父早卒事母至孝家貧傭工以養母病衣不解帶數月鄉人稱之

採訪冊

戴堯天原名字壽泉庠生幼有至性母疾依依榻前廢飲食人咸異之母病篤朝夕侍藥弗效中夜焚香祈代母歿哀毀幾滅性後投筆從戎獎六品頂戴以勞歿於吳淞防次事聞奉

旨優卹廕一子入監

採訪冊

續修舒城縣志

卷三十九

人物志

孝友

一二三

李士俊性孝友父母有疾侍湯藥數月不離寢側及卒終身不茹葷酒兄弟析箸盡推家產於弟而己獨食貧人多頌之

採訪冊

褚孝興從九品母病久不愈侍湯藥不解帶者三十餘日

採訪冊

查啟文國學生幼極孝親病常糞百計療之族鄰之待舉火者十餘家嘗有貧人計鬻其妻啟文貴救之

採訪冊

許桂森父效恩歿事母以孝聞桂森性純篤母歿廬墓三年喪葬盡禮事聞

旌表如例

採訪冊

孫繼賢性最孝母歿廬墓三年里人爲請

旌又王思恭事親能得歡心親歿寢苦枕塊廬墓三年里人爲請

採訪冊

程瑞陽號竹林事母能先意承志母年九十卒瑞陽廬墓三年邑人狀其事得

旌又劉昭毅字果侯性最孝父病嘗糞侍湯藥晝夜不去側數年不懈扶持浣浴必身親之父歿廬墓三年

採訪冊

左攀桂幼讀書善事親母歿終身不茹葷酒居父喪廬墓三年種蔬菜自給廬無門時出爲傭器皿飲食乞者戒勿取鄉里皆以爲孝德所感云

採訪冊

李榮發性至孝貧不能娶奉母居城市有所求必百計供之承顏順志母若忘其爲窘迫母老病龍鍾每城市戲劇輒負

續修舒城縣志

卷三十九

人物志

孝友

二四

母往觀以爲樂母歿廬墓三年朝夕上食如生時後里人往迎始出又杜道倉性最孝事母必敬必誠母歿廬墓三年得

旌又丁立貴純孝性成母卒廬墓三年事聞得

採訪冊

朱齊松號秀冬篤行孝友侍父病四年無倦容嘗不惜巨資助族人婚嫁里中子弟貧不能讀者助之膏火冬月製棉衣施貧者人以此稱之

採訪冊

盛本蔭幼失恃事父最孝光緒六年父患病服藥罔效禱於神即愈其後父得嘔證數月復禱於神煎湯和藥進之竟獲

痊延壽七十無病終又盛濟安庠生事父亦以純孝聞

採訪冊

李俊堂農家子隨父采菽於山條有虎猛撲其父仆俊堂皇

遽以手扼虎吭力與之角俱墜澗下大號鄰人同采菽者聞聲至共斃虎俊堂因父頭背俱傷量絕復甦昇歸人言口嚼

冊

汪百昌監生事親孝出必告反必面有疾食不甘味衣不解帶愈然後如初晚年督修里中曹家河文王等橋凡六行人便之

冊

王謨號定臣性純孝事親能順意承志父歿母老病目眩耳聾誤侍湯藥十餘年未嘗離左右又朱大春事親極孝母目瞽大春出入扶持不懈里人嘉其孝欲爲報舉固辭止

冊

石有春少孤家貧不能娶母中年病癱瘓有春親執炊以養每臥起必先意扶持母得無苦

冊

續修舒城縣志

卷三十九

人物志

孝友

一二五

趙延芳字香山庠生少孤事孀母張極孝謹與從兄弟處財產共之沒齒怡怡無間言遭粵匪亂家破遂謀升斗以養李忠武潰師三河賊氛徧里聞延芳以訛言冒死入賊中求叔父屍旬日與叔父生還弟延良延晉被賊執良以晉幼哀獲免而良被害延芳哀良死教普讀游庠子鳳詔舉人從弟延芬字薌畦廩生亦孝謹生平無急言遠色望而知爲長者母嘗患心疾彌月侍湯藥無片刻去寢門必母安乃安母食乃食鳳詔三歲失恃怙亦賴延芬撫之成立鄉鄰羣稱其孝友

冊

傅繼倫字叙堂歲貢生同治初舉孝廉方正事繼母孝母性嚴厲朝夕色養負罪責已怡怡如也其學以敬恕爲宗旨年

七十終日危坐遇人和煦無急言遠色以是學者式其行鄉人化其德家貧授徒不入城市士論高之孫炳章庠生

冊

鍾慶瀾號紫濤嘗侍母疾彌月衣不解帶母病劇祈神求代後果愈慶瀾嗜學童試拔前茅父尋卒大父以院試故使變祧服促之行瀾曰功名未就而大節先虧將何以報劬勞也痛哭流血次年病卒

冊

李邦珍號席儒庠生性篤孝尤善事繼母年逾六十假館於

續修舒城縣志

卷三十九

人物志

孝友

一二六

外離家數十里每念母必歸省兄弟友愛無間生平好學至老不倦著有果毅齋吟稿待梓

冊

王奎號曉峯同治庚午舉人幼力學通經史尤篤內行父母卒哀毀幾滅性與弟弼智奉兄增貢生桂芳教維謹同居數十年無閒言兄弟皆前卒撫諸侄如子性不樂仕進授徒自給著述各種藏於家

冊

汪肅珍太學生篤於內行事孀母以孝聞割田畝奉家廟時祭妻衛氏亦能承夫志盡孝養嘗割股愈夫病

冊

宋先鴻字達軒刻苦爲學事繼母李孝敬如所生與兄庠生

懋修極友愛時人高之

冊

王朗如監生善事後母持身謹樸遇鄉里口角多方開導之

貧苦無依者量力周濟卒年七十六冊採訪

鳳大韶家貧廢讀治家勤儉有三弟皆賴大韶完婚相繼亡遺孤俱幼撫育之如己子至成立鄉里稱之冊採訪

張信芳兄信珠與邑紳鍾繼昌等集團攻城賊不克賊夜捉信芳誤認爲珠訊之芳曰我張信珠也攻城者實我賊審其爲芳義而釋之冊採訪

王清午少好學居龍眠山家貧甚嘗爲親負米踰境親歿廬於墓側若將終身後爲當道延入幕運籌決策頗有功能性情高尚不樂仕進時論重之冊採訪

何賢貴鐵工廣友子也年十七家人不戒於火中夜延燒門闔猝不可啟賢貴急以肩承父上屋父騎危樑呼隨出賢貴

續修舒城縣志

卷三十九

人物志

孝友

二七

曰兇反救母入室烟焰迷目尋母未得而內戶燼矣遂與母弟妹七人俱燔死冊採訪

方純厚瓦工也家貧不能娶爲母潸衣滌溺器每食必具酒肉數十年如一日母病日夜侍臥起扶持維謹及卒哀毀如孺子里人以孝子稱之冊採訪

王邦良少孤貧事繼母沈以孝聞嘗典衣供甘旨與弟邦理友愛終身一門義讓鄉里化之以猶子元慶官

馳贈如例冊採訪

許敬修家貧至孝友愛兄弟母故廬墓三載已

旌冊採訪

王克普務農業父母有病刲股療之居喪廬墓三年已

旌

王世勲家貧至孝親有所欲必百計供之承顏養志事事必稱父母意親歿刻木奉養事死如生鄉里稱純孝焉冊採訪

袁文亮性至孝父早歿竭力事母事事必求稱母意及母歿喪葬盡禮廬墓三年朝夕哀痛事死如生同時以純孝稱者有郭慈發力耕養親母歿廬墓三年邑令萬迎之出方懷寬天性孝友母歿廬墓三年大憲上其事獎以端方孝友克教門庭二語輿心榮父母早卒善事繼母母歿廬墓三年宋其貴母早歿善事父父歿廬墓三年金玉龍性最孝父歿事母先意承志母歿廬墓三年光緒中先後詳請俱已得

旌冊採訪

續修舒城縣志

卷三十九

人物志

孝友

一二八

王世才李賢海俱廬母墓死於墓中待

旌冊採訪

靳龍父歿廬墓三年有六月王金玉李正才李治長俱母歿廬墓三年有六月待

旌冊採訪

周昌恆天性純孝母歿廬墓三年已

旌冊採訪

鳳必魁兄弟六四弟五弟相繼少亡各遺孤一魁撫之如己出里人賢之子大勲有乃父風冊採訪

刲股表附

宋

余元燦封左股愈母汪安淵封右股愈檀念二母左股愈

以上三人皆清熙年詔付史館仍令有司依例優給碑刻
尙存江南通志

明

趙密封股愈母錢王衣封骨肉愈張四象封股愈祖母

王介封骨肉愈母

國朝

許家紀封左股愈母靳章墅封股愈父靳學泚封股愈父病

靳學思封股愈母病談毓秀封股愈母談錦方封股愈母病

左啟山封肝愈母病石鳴鳳封股愈母龔棟華封股愈父病

朱紱封股愈父病韓德文封股愈母董熙封股二次愈

續修舒城縣志

卷三十九

人物志封股表附二九

汪理紹封股愈父病董如璋封股愈父蔡達昌封股愈父病
母愈

以上府志

樊咸封股愈大父程望璧封股二次郭澤廷封股愈父病

郭振旺封股愈母病馮孝英封右股愈戴堯天封股愈母病

陸寶善封股療母病李廣孝封股愈母李士俊封股愈母病

王保義封股愈母病褚義忍封股愈母褚弟和封股愈母病

褚孝興封股愈母病毛先盛封股愈母靳章鼎封股愈母病

靳宗李封股愈父病靳學銘封股愈母李蘭馨封股愈父病

查啟文封股愈親病沈增熙封股愈父程清理封股愈母病

朱齊松封股愈父病陳雲濤封股愈母盛本蔭封股愈父病

左啟岳封股愈母病左振琨封股愈母鍾慶瀾封股愈母病

高陽儀封股愈父病左振瑤封股愈母程秉鐸封股愈母病

方盛慶封股愈母黃成愷封股愈母許業奎封股愈母病

鍾保復封股二次愈張大源封股愈母許品吉封股二次愈

友

以上採訪冊

按封股療親事屬愚孝既已節取列表至兄弟雖曰友恭
而因病封股剝指尤爲不合本難入志姑附錄於後亦係

節取云爾

王瑤封股剝指和熊兆渭封股救兄劉聲元封股愈叔疾

續修舒城縣志

卷三十九

人物志封股表附三十